



## Publicaziuns dalla vischnaunca, jamna 21

### Damonda da baghegiar

#### 2012–1031

**Datum dalla publicaziun:** ils 25 da matg 2012

**Il patrun:** Coray Capaul Immobilienas GmbH, Via Lucmagn 4, 7180 Disentis/Mustér

**Il representant:** Coray Capaul architectura e habitar GmbH, Via Lucmagn 4, 7180 Disentis/Mustér

**Object:** Constricziun d'ina casa da habitar, parcella 1046, Via Run 15, 7180 Disentis/Mustér

#### 2012–1032

**Datum dalla publicaziun:** ils 25 da matg 2012

**Il patrun:** Stweg Casa Flepp, Placi Flepp, Via Pintga 12, 7180 Disentis/Mustér

**Il representant:** Ignaz Monn, Via Alpsu 44, 7188 Sedrun

**Object:** Construcziun d'ina garascha nova, parcella 916, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 22 da matg 2012

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

#### Nr. 2012–1016

Petra Tuor e Kai Hinrichsen, Via Dulezi 21, 7180 Disentis/Mustér; engrondaziun e sanaziun dalla casa existenta, parcella 603, Via Dulezi 21, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 21 da matg 2012

*Uffeci da baghegiar Disentis/Mustér*

---

### Administraziun communal

**Gliendisdis Tschuncheismas, ils 28 da matg 2012**

resta l'administraziun communal serrada igl entir di.

*Administraziun communal Disentis/Mustér*

---

### Temps da vacanzas – temps d'examinar ils documents da viadi

Persunas che planiseschan da passentar lur vacanzas egl exteriur ein supplicadas d'examinar a dretg temps lur documents da viadi (pass ni carta d'identitad). Per l'emissiu da novs documents sto vegnir quintau cun rodund 15 dis da spetga. Fagei quella cuorta controlla, buca che Vossas vacanzas entscheivan cun dagrettas.

*Administraziun communal Disentis/Mustér*



### Referendum facultativ spirau

Il 20 d'avrel 2012 ha il cussegl da vischnaunca approbau il rapport da gestiun ed il quen 2011. Encunter quella decisiun ei enteifer il termin fixau buca vegniu fatg diever dil referendum facultativ, aschia ch'il rapport da gestiun ed il quen 2011 ein **approbai definitivamein**.

*Suprastonza communal*

---

### Stradun cantunal – Via Sursilvana

Il 17 da zercladur 2012 han vischinas e vischins da decider davart il credit per la sanaziun dalla via principala atras il Vitg. Quella ei en in schliet stan e basegna urgentamein ina sanaziun totala, ton pli ch'ei setracta d'in stradun fetg frequentau. Ei va per ina ovra comunabla dil Cantun e dalla vischnaunca che vegn realisada els proxims treis onns.

Ferton ch'il Cantun surpren rodund 1,8 milliuns francs, sto la vischnaunca separticipar cun biebein 1,4 milliuns francs al project. Ina realisaziun ei mo pussevla, sche omisdus partenaris separticipeschan.

Il cussegl da vischnaunca recamonda unanimamein – en concordanza cun la suprastonza communal – d'approbar il project e da conceder il credit necessari.

*Cussegl da vischnaunca*

---

### Iniziativa per midar la constituziun communal

Il 30 d'avrel 2012 ei vegniu inoltrau ina iniziativa per ina midada dalla constituziun communal, firmada da 518 votants e votantas (diember verificau). Quella giavischa, che la cumissiun da gestiun vegni eligida dil pievel e che lur commembers astgien buca appartener ad ina outra autoritad communal.

La suprastonza communal ha priu enconuschientscha da quella iniziativa e vegn ad examinar ella cun tutta minuziusadad. Conform allas prescripziuns dalla constituziun communal vegn l'iniziativa suttamessa **ton pli spert alla votaziun communal**.

---

### Donns d'uual entras il stemprau

Il 29 d'avrel 2012 ha il stemprau derschiu bia uual el territori Ruinas/Tujetsch, Bostg, Runfoppa e la Schetga da Madernal. Per evitar, ch'il bau-scorsa sederasi e caschuni gronds donns, sto la lenna derschida vegnir allontanada entochen la fin da zercladur 2012. Muort l'urgenza dalla dismessa digl uual donnegiau, ha la suprastonza communal surdau la lavur a treis interpresas privatas.

Ins sa quintar che las entradas ord la vendita dalla lenna e las contribuziuns cantunales cuvieren ils cuosts, aschia ch'ei seresulta negina sperdita per la vischnaunca.

*Suprastonza communal*

---

### Vischnauncas Disentis/Mustér e Sumvitg

#### **Revisiun parziala dalla planisaziun locala a Barcuns – Publicaziun**

Il 15 da matg 2012 ha la regenza dil cantun Grischun (protocol nr. 483) approbau ils suandonts acts da planisaziun: Midadas plan da zonas e plan general da formaziun 1:5000 «Barcuns».

#### **Midadas plan general d'avertura 1:5000 «Barcuns»**

La revisiun parziala dalla planisaziun locala a Barcuns (decidida il 29 da schaner 2012 entras la votaziun dil pievel da Disentis/Mustér ed il 5 da mars 2012 entras la radunonza communal da Sum-



vitg) ei vegnida approvada dalla Regenza senza objecziuns.

Dils acts approvai e dil conclus dalla Regenza san ins prender investa tier las administraziuns communalas da Disentis/Mustér e Sumvitg durant las uras da spurtegl.

*Suprastonza communal Disentis/Mustér*  
*Suprastonza communal Sumvitg*

---

### **Uniun da pelegrins da Lourdes Surselva**

Donnerstag, 31. Mai 2012, Abendgottesdienst in Acletta, Disentis, um 10.30 Uhr. Mögen recht viel Marienverehrer zu diesem Gottesdienst erscheinen, um uns im Gebet zu unterstützen.

*Eure Präs. R. Gol*

---

### **Uniun da dunnas Mustér** ***Mummas cun affons pigns Mustér*** ***Suentermiezdi a Fontanivas***

En cumpignia lein passentar in suentermiezdi a Fontanivas. Ei vegn barsau servelas e zambergiau ina sorpresa. Tut las mummas cun lur affons ein cordialmein envidai en.

**Cu:** mesjamna, ils 30 da matg 2012, spustament dil datum ils 13 da zercladur 2012

**Rimnada:** sper la piazza da termagliar a Fontanivas

**uras:** 14.00

Voss'annunzia pren Susanne Strupler bugen encunter entochen ils 28 da matg 2012, telefon 081 936 43 14.

Sin vossa partizipaziun selegra  
*Mummas cun affons pigns Mustér*

---

### **Concerts**

**26.5.12:** Societad da musica Mustér, Concert primavaun **allas 20.00 uras** en halla Cons a Mustér, entrada libra cun collecta, silsunter stiva da caffè

**27.5.12:** Societad da musica Mustér, Concert primavaun **allas 20.00 uras** en halla Cons a Mustér, entrada libra cun collecta.

---

### **Ludoteca Mustér**

Muort il firau d'Anceinza resta la ludoteca **serrada gievgia, ils 17 da matg 2012**. Medemamein ei la ludoteca era serrada **gliendisdis Tschuncheismas, ils 28 da matg 2012**.

Nus engraziein per Vossa capientscha.



## Radunonza generala Ludoteca

### 14. radunonza generala dall'uniun Ludoteca Mustér, mesjamna ils 30 da matg allas 19.00 uras en ludoteca – Beinvegni!

#### Tractandas

1. Elecziun d'inA dumbravuschs
2. Protocol dalla 13 avla radunonza generala diils 15-6-2011
3. Rapport dalla presidenta
4. a) rapport dalla cassiera  
b) rapport dallas revisuras
5. elecziun dalla presidenta
6. program da lavur  
a) stand dallas lavurs  
b) propostas
7. informaziuns team
8. varia

---

#### Ludoteca Mustér

Muort il firau d'Anceinza resta la ludoteca **serrada gievgia, ils 17 da matg 2012**. Medemamein ei la ludoteca era serrada **gliendisdis Tschuncheismas, ils 28 da matg 2012**.

Nus engraziein per Vossa capientscha.

---

#### Biblioteca populara Mustér

**Liug:** Casa da scola, tel. 081 947 52 90, biblioteca@disentis.ch

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

#### **La biblioteca ei aviarta:**

Gliendisdis 18.30–20.00 uras  
Mardis 13.30–15.00 uras  
Gievgia 16.00–17.30 uras  
Venderdis 18.30–20.00 uras

Nies motto: Leger . . . tedlar . . . mirar . . . !  
Nus selegrein da mintga viseta.

*Biblioteca populara Mustér*